



進讀奏議劄子

元祐八年五月七日蘇軾同呂希哲吳安詩豐稷趙彥若范祖禹顧臨劄子奏臣等猥以空疎備員講讀恭惟

聖明天縱學問日新臣等才有限而道無窮心欲言而口不逮以此自愧莫知所爲竊謂人臣之納忠譬如醫者之用藥藥雖進於醫手方多傳於古人若已經効於世間不必皆從於已出伏見唐宰相陸贄才本王佐學爲帝師論深切於事情言不離於道德智如子房而文則過辯如賈誼而術不踈上以格君心之非下以通天下之志但其不幸仕不遇時德宗以苛刻爲能而贄諫之以忠厚德宗以猜疑爲術而贄勸

之以推誠德宗好用兵而贄以消兵爲先德宗好聚財而贄以散財爲急至於用人聽言之法治邊馭將之方罪已以收人心改過以應天道去小人以除民患惜名器以待有功如此之流未易悉數可謂進苦口之藥石鍼害身之膏肓使德宗盡用其言則貞觀可得而復臣等每退自

西閣卽私相告言以

陛下聖明必喜贄議論但使聖賢之相契卽如臣主之同時昔馮唐論頗牧之賢則漢文爲之太息魏相條晁董之對則孝宣以致中興若

陛下能自得師莫若近取諸贄夫六經三史諸子百家非無可觀皆足爲治但聖言幽遠末學支離譬如山海之崇深難以一二而推擇如贄之論開卷了然聚古今之精英實治亂之龜鑑臣等欲取其奏議稍加校正繕寫進呈願陛下置之坐隅如見贄面反復熟讀如與贄言必能發聖性之高明成治功於歲月臣等不勝區區之意取進止

唐陸宣公翰苑集叙

權德輿撰

嘗讀賈誼書觀其經制人文鋪陳帝業術亦至矣待之宣室
恨得後時遇亦深矣然竟不能達四聰而盡其善排群議而
試厥謀道之難行亦已久矣東陽絳灌何代無之嘻一薰一
蕕善齊去聲不能同其器方鑿圓柄良工無以措巧心所以理
世少而亂日多大雅衰而正聲寢漢道未融既失之於賈傳
吾唐不幸復擯棄於陸公公諱贇字敬輿吳郡蘇人漂陽令
侃之子年十八登進士第應博學宏辭科授鄭縣尉非其好
也省母歸壽春刺史張鎰有名於時一獲晤言大加賞識

別益以泉貨數萬爲賚曰願以此奉太夫人一日之膳公悉辭之領新茶一串而已是歲以書判拔萃調渭南簿本傳御史府以監察換之德宗皇帝春宮時知名召對翰林即日爲學士由祠部員外轉考功郎中朱泚之亂從幸奉天特車駕播遷詔書勞于公麗翰即成不復起草初若不經思慮及成而奏無不曲盡事情中於機會倉卒填委同職者無不拱手歎伏不能復有所助嘗從容奏曰此時詔書陛下宜痛自引過以感人心昔禹湯以罪已勃興楚昭以善言復國陛下誠能不悵改過以言謝天下忤臣草辭無諱庶幾群盜革心上從之故行在詔書如下雖武人悍卒無不揮涕激發議者以

德宗京平無亂不惟神武之功爪牙官力蓋亦資文德腹心之助焉及還京師李抱真來朝奏曰陛下在山南特山東士卒聞書詔之辭無不感泣思奮臣節臣知賊不足平也公自行在帶本職拜諫議大夫中書舍人精敏小心未嘗有過艱難扈從行在輒隨啓沃謀猷特所親信有時謙語不以公卿指名但呼陸九而已初幸梁洋棧道危狹從官前後相失上夜次山館召公不至泫然號於禁旅曰得陸贄者賞千金頃之公至太子親王皆賀初公既職內署母韋氏尚在吳中上遣中使迎致京師道路置驛文士榮之丁韋夫人憂去職持喪於洛遣人護溧陽之柩附葬河南上遣中使監護其事四

方賻遺數百萬公一無所取素與蜀帥韋南康布衣友善韋
令每月置遺公奏而受之服闋復內職權知兵部侍郎覲見
之日天子為之興改容叙弔優禮如此內外屬望旦夕俟其
輔政為實叅忌嫉故緩之真拜兵部侍郎知貢舉得人之盛
公議稱之貞元八年拜中書侍郎平章事公以少年入侍內
殿特蒙知遇不可與眾浮沉苟且自愛事有不可必諱之上
察物太精躬臨庶政失其大體動與公違姦諛從而間之屢
至不悅親友或規之公曰吾上不負天子下不負吾所學不
恤其他公精於吏事斟酌剖決不爽錙銖其經綸制度具在
德宗實錄及實叅納劉士寧之賂為李巽所發得罪左遷橫

議者以公與叅素不協歸罷相之議於公戶部侍郎判度支
裴延齡以姦回得幸害時蠹政物議莫敢指言公獨以身當
之屢言不可翰林學士吳通玄忌公先達每切中傷陰結延
齡互言公短宰相趙憬公之引拔昇為同列以公排邪守正
心復異之羣邪沮謀直道不勝十年退公為賓客罷政事明
年夏旱芻糧不給軍校訴於上延齡奏曰此皆陸贄輩怨望
鼓扇軍人也貶公忠州別駕上怒不可測賴陽城張萬福救
之獲免蜀帥韋令抗表請以贄代已歲賂資糧公在南賓閉
門却掃郡人稀識其面復避謗不著書惟考校醫方撰集驗
方五十卷行於世江峽十稔永貞初與鄭餘慶陽城同徵還

公已薨歿時年五十二公之秉筆內署也推古揚今雄文藻
思敷之爲文誥仰之爲典謨俾獮狡向風懦夫增氣則有制
誥集一十卷覽公之作則知公之爲文也潤色之餘論思獻
納軍國利害巨細必陳則有奏草七卷覽公之奏則知公之
爲臣也其在相位也推賢與能舉直措枉將幹璿衡而揭日
月清氛沴而平泰階敷其道也與伊說爭衡考其文也與典
謨接軫則有中書奏議七卷覽公之奏議則知公之事君也
古人以士之遇也其要有四焉才位時命也仲尼有才而無
位其道不行賈生有時而無命終於一慟惟公才不謂不長
位不謂不達逢時而不盡其道非命歟裴氏之子焉能使公

不遇哉說者又以房魏姚宋逢時遇主克致清平陸君亦獲
幸時君而不能與房魏爭列蓋道未至也應之曰道雖在我
弘之在人蜚蝗竟天農稷不能善稼奔車覆轍丘軻亦廢規
行若使四君與公易時而相則一否一臧未可知也而致君
不及貞觀開元者蓋時不幸也豈公不幸哉以爲其道未至
不亦誣乎公之文集有詩文賦集表狀爲別集十五卷其關
於時政昭昭然與金石不朽者惟制誥奏議乎雖已流行多
謬編次今以類相從冠于編首兼畧書其官氏景行以爲序
引俾後之君子覽公制作效之爲文爲臣事君之道不其偉
歟

唐陸宣公集目錄



制誥

卷之一

奉天改元大赦制

平朱泚後車駕還京大赦制

卷之二

貞元改元大赦制

冬至大禮大赦制

卷之三

貞元九年冬至大禮大赦制

蝗蟲避正殿降免囚徒德音

誅李懷光後原宥河中將吏并招諭淮西詔

誅李希烈後原宥淮西將吏并授陳仙奇節度詔

重宥淮西將士詔

卷之四

賑卹諸道將吏百姓等詔

優卹畿內百姓并除十縣令詔

重優復興元府及洋鳳等州百姓詔

議減鹽價詔

賜京城及同華等州百姓種子賑給貧人詔

賜將士名奉天定難功臣詔

改梁州爲興元府升洋州爲望州詔

卷之五

奉天遣使宣慰諸道詔

收復京師遣使宣慰將吏百姓詔

平淮西後宴賞諸軍將士放歸本道詔

加王武俊李抱真官封并招諭朱滔詔

招諭淮西將吏詔

招諭河中詔

安撫淮西歸順將士百姓勅

甄獎陷賊守節官詔

令百寮議大禮期日詔

不許諸軍侵擾勅

放淮西生口歸本貫勅

令諸道募靈武鎮守人詔

卷之六

冊淑妃王氏爲皇后文

冊嘉誠公主文

冊蜀王妃文

冊祀王妃文

告謝昊天上帝冊文

告謝玄宗廟文

告謝肅宗廟文

告謝代宗廟文

祭大禹廟文

制策問賢良方正能直言極諫科

制策問博通墳典達於教化科

制策問識洞韜略堪任將帥科

答宰臣請停大禮表

答百寮請停大禮表

答第二表

答第三表

答百寮賀利州連理木表

答宰臣請復御膳表

答百寮請復御膳表

卷之七

李晟司徒兼中書令制

蕭復劉從一姜公輔平章事制

張延賞中書侍郎平章事制

渾瑊待中制

盧翰劉從一門下中書侍郎平章事制

劉滋崔造齊映平章事制

李納檢校右僕射平章事制

韓滉檢校左僕射平章事制

李勉太子師制

姜公輔左庶子制

崔造右庶子制

盧翰太子賓客制

卷之八

賈耽東都留守制

崔縱東都留守制

普王荆襄江西等道兵馬都元帥制

馬燧渾城副元帥招討河中制

李晟鳳翔隴西節度兼涇原副元帥制

劉洽檢校司空充諸道兵馬都統制

卷之九

渾城京畿金商節度使制

杜亞淮南節度使制

虔王申光隨蔡等州節度使制

唐朝臣振武節度使論惟明鄜坊觀察使制

韓滉加檢校右僕射制

嘉王橫海軍節度使制

馬燧李臯賜寶印制

韓滉度支鹽鐵轉運等制

李叔明右僕射制

李澄贈司空制

除鄧州歸順官制

李納檢校司空制

卷之十

賜李納王武俊等鐵券文

賜安西管内苗姓書管線券文

慰問四鎮北庭將吏勅書

與回紇可汗書

賜吐蕃將書

賜吐蕃宰相尚結贊書三

奏章

卷之一

論關中事宜狀

論兩河及淮西利害狀

卷之二

論叙遷幸之由狀

奉天論奏當今所切務狀

奉天論前所答奏未施行狀

卷之三

奉天論尊號加字狀

重論尊號狀

奉天論赦書事條狀

奉天論擬與翰林學士改轉狀

奉天請數對羣臣兼許令論事狀

卷之四

奉天請罷瓊林大盈二庫狀

奉天論解蕭復狀

奉天薦袁高等狀

奉天論李晟所管兵馬狀

奉天奏李建徽楊惠元兩節度兵馬狀

駕幸梁州論進獻瓜果人擬官狀

又論進瓜果人擬官狀

卷之五

興元論解姜公輔狀

又答論姜公輔狀

興元論請優獎曲環所領將士狀

興元論解蕭復狀

又答論蕭復狀

興元論續從賊中赴行在官等狀

卷之六

興元請撫循李楚琳狀

興元論中官及朝官賜名定難功臣狀

興元賀吐蕃尚結贊抽軍迴歸狀

興元奏請許渾城李晟等諸軍兵馬自取機便狀

興元論賜渾城詔書為取散失內人等議狀

卷之七

鑿駕將還宮闕論發日狀

請釋趙貴先罪狀

論替換李楚琳狀

收河中後請罷兵狀

奏議

卷之一

請許臺省長官舉薦屬吏狀

論宣令除蕪延齡度支使狀

論齊映齊抗官狀

請遣使臣宣撫諸道遭水州縣狀

論淮西管內水填處請同諸道遣宣慰使狀

論嶺南請於安南置市舶中使狀

卷之二

請減京東水運收脚價於沿邊州鎮儲蓄軍糧事宜狀

商量處置實參事體狀

奏議實參寺官狀

請不簿錄實參莊宅狀

請還田緒所寄撰碑文馬絹狀

卷之三

謝密旨因論所宜事狀

議汴州逐劉士寧事狀

請不與李萬榮汴州節度使狀

請依京兆所請折納事狀

論度支令京兆府折稅市草事狀

卷之四

論邊城貯備米粟等狀

論沿邊守備事宜狀

卷之五

論左降官准赦合量移事狀

又奏量移官狀

又進量移官狀

論朝官闕員及刺史等改轉倫序狀

卷之六

均節賦稅恤百姓六條

卷之七

論裴延齡姦靈書一首

唐陸宣公制誥卷之一

奉天改元大赦制

門下致理興化必在推誠忘已濟人不吝改過朕嗣守丕構君臨
萬方失守宗祧越在草莽不念率德誠莫追於既往永言思咎
期有復於將來明徵厥初以示天下惟我列祖邁德庇人致俗化
於和平拯生靈於塗炭重熙積慶垂二百年伊爾卿尹庶官洎億
兆之衆代受亭育以迄于今功存于澤垂于後肆予小子獲續
鴻業懼德不嗣罔敢怠荒然以長于深宮之中暗于經國之務積
習易溺居安忘危不知稼穡之艱難不察征戍之勞苦澤靡下究
情不上通事既壅隔人懷疑阻猶昧省己遂用興戎徵師四方轉

餉千里賦車籍馬遠近騷然行齋居送衆庶勞止或一日屢交鋒
刃或連年不解甲曹祀莫之主室家靡依生死流離怨氣凝結力
役不息田萊多荒暴命峻於誅求疲眩空於行軸轉死溝壑離去
鄉閭邑里丘墟人煙斷絕天譴於上而朕不悟人怨於下而朕不
知馴致亂階變興都邑賊臣乘霧肆逆滔天曾莫愧畏敢行凌逼
萬品失序九廟震驚上辱于祖宗下負於黎庶痛心覩貌罪實在
予未言愧悼若墜深谷賴天地降祐神人叶謀將相竭誠爪牙宣
力屏逐大盜載張皇維將弘未圖必布新令朕晨興夕惕惟念前
非乃者公卿百寮累抗章疏猥以微號加于朕躬固辭不獲俯遂
輿議昨因內省良用震怒體陰陽不測之謂神與天地合德之謂

聖顧惟淺昧非所宜當亨者所以化成武者所以定亂今化之不
被亂是用興豈可更徇羣情尚膺虛美重余不德祇益慙慙自今
以後中外所上書奏不得更稱聖神文武之號夫人情不常繫于
時化天道既隱亂獄滋豐朕既不能弘德導人又不能一法齊衆
苟設密網以羅非辜為之父母實增愧悼今上元統曆獻歲發生
宜革紀年之號式敷在宥之澤與人更始以答天休可大赦天下
改建中五年為興元元年自正月一日昧爽以前大辟罪已下罪
無輕重咸赦除之李希烈田悅王武俊李納等有以忠勞任膺將
相有以勲舊繼守藩維朕撫馭乖方信誠靡著致令疑懼不自保
安兵興累年海內騷擾皆由上失其道下罹其災朕實不君人則

何罪屈已弘物予何愛焉庶懷引慝之誠以治好生之德其李希
烈田悅王武俊李納及所管將士官吏等一切並與洗滌各復舊
位待之如初仍卽遣使分道宣諭朱滔雖與賊泚連坐路遠未必
同謀朕方推以至誠務欲弘貸如能效順亦與惟新其河南北諸
軍兵焉並宜各於本道自固封疆勿相侵軼朱泚大爲不道棄義
蔑恩反易天常盜竊名器暴犯陵寢所不忍言獲罪祖宗朕不敢
赦其罪被朱泚脅從將士官吏百姓及諸色人等有遭其扇誘有
迫以兇威苟能自新理可矜宥但官軍未到京城以前能去逆效
順及散歸本道者悉赦例原免一切不問天下左降官卽與量
移近處已量移者更與量移流入配隸及藩鎮効一作力并緣罪

犯與諸使驅使官兼別勅諸州縣安置及得罪人家口未得歸者
一切放還應先有痕累禁錮及反逆緣坐承前恩赦所不該者並
宜洗雪亡官失爵放歸勿齒者量加收叙人之行業或未必兼構
大厦者方集於群材建奇功者不限於常檢苟在適用則無棄人
沉黜免之人沉鬱旣久朝過夕改仁何遠哉流移降黜亡官失爵
配隸人等有材能著聞者特加錄用勿拘常例諸軍使諸道赴奉
天及進收京城將士等或百戰摧敵或萬里勤王扞固全城驅除
大憝濟危難者其節著復社稷者其業崇我圖爾功特加尋典錫
名疇賦永永無窮宜並賜名奉天定難功臣身有過犯遞減罪二
等子孫有過犯遞減罪二等當戶應有差科使役一切蠲免其功

臣已後雖衰老疾患不任軍旅當分糧賜並宜全給身死之後十年內仍回給家口具有食實封者子孫相繼代代無絕其餘叙錄及功賞條件待收京日並准去年十月十七日十一月十四日勅處分諸道諸軍將士等久勤扞禦累著功勳方鎮克寧惟爾之力其應在行營者並超三資與官仍賜勳五轉不離鎮者依資與官賜勳三轉其累加勳爵仍許回授周親内外文武官三品以上賜爵一級四品已上各加一階仍並賜勳兩轉見危致命先哲攸貴掩骼埋胔禮典所先雖效用而或殊在惻隱而何間諸道將士有死王事者各委所在州縣給運送歸本管官為葬祭其有因戰陣殺戮及擒獲伏辜梟骨原野者亦委所在逐近便收葬應緣流貶

及犯罪未葬者並許其家各據本官品以禮收葬自頃軍旅所給賦役繁興吏因為姦人不堪命咨嗟怨嘆道路無聊况可小康與之休息其墊陌及稅間架竹木茶漆權鐵等諸色名目悉宜停罷京畿之內屬此寇戎攻劫焚燒靡有寧室王師仰給人以重勞特宜減放今年夏稅之半朕以兇醜犯關遽用于征爰度近郊息駕茲邑軍儲克辦師旅攸寧式當褒旌以志吾過其奉天宜升為赤縣百姓並給復五年尚德者教化之所先求賢者邦家之大本永誠所未孚故求之未至天下有隱居行義才德高遠晦跡丘園不求聞達者委所在長吏具姓名聞奏當備禮邀致諸邑人中有賢

良方正能直言極諫及博通墳典達於教化并洞識韜鈴堪任將
帥者委常參官及所在長吏聞薦天下孤老鰥寡博獨不能自活
者並委州縣長吏量事優恤其有年九十已上者刺史縣令就門
存問義夫節婦孝子順孫旌表門閭終身勿事大兵之後內外耗
竭貶食省用宜自朕躬當節乘輿之服御絕宮室之華飾率已師
儉為天下先諸道貢獻自非供宗廟軍國之用一切並停應內外
官有冗員及百司有不急之費委中書門下即商量條件停減聞
奏布澤行賞仰惟舊章今以餘孽未平帑藏空竭有乖慶賜深愧
于懷赦書有所未該者委所司類例條件聞奏敢以赦前事相言
告以其罪罪之亡命山澤挾藏軍器百日不首復罪如初赦書日

行五百里布告遐邇咸使聞知

平宋泚後車駕還京大赦制

門下致理之體先德後刑禮義興行故人知恥格教分明當則俗
致和平然後姦慝不萌暴亂不作古先哲后莫不由斯國家受命
百七十載八聖儲慶敷佑下人邁種寬大之德累備苛酷之令蓋
仁之所積者厚故澤之所流者深茲予小子獲主重器懼於理亂
之本弱於因習之安授任不明賞罰乖當立法以齊衆而犯命愈
甚興戎以除害而長亂益繁賊臣蓄姦乘機竊發九廟之祀地人
靡依狹榆肆其吞噬豺狼穴於宮闕歲未二載載惟播遷仰慚穹
昊俯愧臣庶敢愛寶越苟全軀躬誠懼益縱寇讎重辱宗社忍耻

誓志庶補前羞賴億宅心不忘先德諸帥戮力恭行天罰俾余寡昧再膺多祐總乾綱於既紊復天柱於將傾言旋鑄京不改舊物宗祧有序朝享以期責重慶多深增感惕嗚呼君者所以撫人也君苟失位人將安仰朕既不德致寇興禍使生靈無告受制克威竊全性命急何能擇或虧廢名節或貪冒貨利陷於法網事匪一端究其所由自我而致不能撫人以道乃欲繩之以刑豈所謂恤人罪己之誠含垢布和之義滌清汚俗咸與更新可大赦天下自興元元年七月二十三日昧爽已前大辟罪已下已發覺未發覺已結正未結正見繫囚徒常赦所不原者咸赦除之今年五月二十八日已前左降官卽與量移未復資者更與移近處流入及

犯配隸藩鎮效力並卽放還亡官失爵放歸不齒者量加收叙未復資者更與進改其黜免人等有素著行能傷連譴累特加錄用勿以爲負不有忠者誰復社稷不有勞者誰從巡狩連帥之重所以殷邦禦侮也二千石之任所以分憂共理也方鎮將校勤奉戎役中外寮吏恪居官次國有大慶所宜同之內外文武及致仕官三品已上賜爵一級四品已上加一階仍並賜勳兩轉司徒兼中書令晟英特傑立光輔中興再定皇都一匡天下推恩之典貽慶無窮宜與一子五品正員京官侍中城沉遠忠厚服勞王家保全危城翦除大憝嘉乃茂績次于寵章宜與一子六品正員京官鎮國軍潼關節度使檢校右僕射駱元光京畿渭南商州節度使檢

校右僕射尚可孤邠寧等州節度使檢校右僕射韓游瓌奉天行
營諸軍節度使檢校右僕射戴休顏咸秉大節著于艱難同勲叶
忠翼我興運宜各與一子七品正員官諸道節度使及行在都知
兵馬使興元扈從左右金吾大將軍金吾六軍大將軍等各與一
子八品正員官諸道團練觀察處置等使各與一子九品正員官
應諸軍赴上都收復將士等俱以純誠奮其勇節連年帶甲百戰
摧鋒有忘身以效命有滅親以徇義誓平國難如復私讎競揚貔
虎之雄克清梟獍之孽策勳行賞傳嗣榮親播乃功名與國終始
自去年冬已來未經甄叙者卽與超八資改轉已經甄叙者更與
超三資進改三品已上祖父母在元無官封者量與致仕官及邑

號亡者並與追贈四品已下父母在先無官封者亦授致仕官及
邑號亡者與追贈其賞錢委所司卽依元勅支給應扈從將士三
品已上賜爵兩級四品已下各加兩階仍並賜勳其祖父母官封
追贈並准收京城將士例處分應扈從官普恩之外三品已上賜
爵兩級四品已下各加兩階仍普賜勳三轉其祖父母父母封贈
並准收京城例處分應扈從官普恩之外三品已上更加爵一級
四品已下更加一階若常參官祖父母父母在先無官封者量授
致仕官及邑號亡者與追贈諸州刺史普恩外賜爵一級諸道進
奏陪位者更加一階其奉天定難及元從功臣宜令本軍本使卽
定名聞奏所司各准元勅優賞其諸道軍鎮及行營將士三品已

上賜爵一級四品已上加一階仍准今年正月一日制速與甄叙成德潘青魏博等節度并諸軍應歸順將士等各蘊誠義積著功勞由朕失於撫綏頃歲暫懷疑阻尋能勵節不替舊勳是資宴犒俾洽王澤宜委所司卽約額支計各賜錢物賞設仍委本節度准前後勅速條疏甄叙其朔方并諸軍應在河中管內及同州將士等自遠赴難解其重圍念茲功勞並未酬報雖遭脅制情有可矜應到行營未經甄叙者並准元勅超五資改轉其賞錢比收京城將士例各給一半委本軍兵馬使條錄名銜聞奏所司支計給付其食實封者亦便配額令其請受應天下諸道軍將士等如有年老及疾患尪弱不任軍旅願歸鄉里者並給終身優復州縣切加

安存勿令侵擾如無家可歸者給田宅使得存濟見危致命先赴所尚況忠衛社稷殺身成功朕於斯人義有加等贈太尉秀實天授貞烈沮茲姦邪蒼黃之中獨蘊雍斷將紆國難詭收寇兵兇謀旣虧吾事果濟忠誠奮發于擊渠魁英風凜然振邁千古宜卽差官致祭并旌表門閭府縣護其喪事緣葬所要一切官供仍於墓所官爲立碑以揚徽烈其所賜實封五百戶嫡子正員三品官諸子授正員五品官委中書門下卽准元勅處分應諸道諸軍將士有身死王事者委本道本使具名銜聞奏卽與襲贈仍以在身官爵授其子孫內外文武官及諸親諸色人等有橫遭逆賊殺害者各聽其家及親識人於所司陳牒勘實聞奏亦與追贈如跡著忠

列衆所明知仍訪其子孫量加優恤尚齒養老王風之首二代制
理未或遺年朕將遵古典以興化本人心而教孝用優秩賜式慰
里閭京兆府耆壽年八十已上並與版授刺史仍賜紫八十已下
及諸州府耆壽年八十已上並與版授本縣令仍賜緋天下侍老
耆壽亦各與版授官如年九十已上者州縣長吏歲時躬親省問
貧弱不能自存者量賜粟帛頃屬多難人流俗弊加之以師旅因
之以饑饉賦役繁起農桑失時哀哉瘁人沆可小息然以國計猶
歎軍實靡充未盡復除良增愧悼應天下建中四年年終已前所
有諸色逋欠在百姓復內者一切放免百司及諸軍諸使舉放利
錢今年六月已前百姓欠負未納者亦並停徵京兆府百姓普恩

外給復一年其供頓官吏委京兆尹類例具名銜聞奏量與優獎
古者計戶以署吏因時而建職既不乏事亦無冗員今田畝干萊
版圖凋耗齊人編戶託庇官曹貪吏猾胥誘爲囊橐啓奸墮業爲
害尤深應在京百司色役人及流外等委御史大夫卽與諸司使
長官審詳商議據見所掌事之閑劇定額聞奏仍校名送中書門
下務從減省副朕憂人以後應須署置並定名先奏仍永爲常式
今年正月一日赦書節目有所未行者所司並舉而行之赦書或
有不該節此類條件聞奏敢以赦前事相言告者以其罪罪之亡
命山澤挾藏軍器百日不首復罪如初赦書日行五百里布告遐
邇咸使聞知

唐陸宣公制誥卷之一

陸宣公制誥卷之二

貞元改元大赦制

門下王者體元立極欽若乎天地纂業承統嚴奉于祖宗用能百
神允諾地庶承賴立國之本斯其大經朕燭理不明違道招損往
遭多難淪陷國都天地宗祧曠而莫主則是欽若嚴奉之義缺矣
甚用懼焉洎復京師遽將告謝有司以人力耗數禮物廢隳日居
月諸歲聿云暮上其吉日俯在上春齊心永懷坐以待曙而百辟
卿士抗疏上言咸謂人心未寧不足以盡敬寇孽猶在不足以告
功迫於羣情俯抑誠願郊廟孔廟瞻言莫從悼心慚顏胡寧自處
重以和平未洽災沴荐臻去歲旱蝗兩河為甚人流不息師出靡

居加之以徵求因之以荒饑困窮殍餒轉死丘墟閔輔之間冬無積雪上膏未發宿麥不滋詳思咎徵有為而致兵戎之後餘稜尚存獄行之中深寃未釋又河中淮右逆將阻兵汙齊人陷之死地雖欲自雪厥路無由抱義銜寃足傷和氣此皆由朕棄德播災于人為之父母實用愧恥今玄陰已謝春日載陽勾萌畢伸幽螫咸震思與海內同心自新發號更元用符天意宜改興元二年為貞元元年自正月一日昧爽已前大辟罪已下已發覺未發覺已結正未結正繫囚見徒罪無輕重咸赦除之先准勅令量移收叙人所司據節文速與處分應河中脅從將士多是奉天赴難功臣本居朔陲風尚忠節豈以一夫詰誤棄其累代勲庸朕於此

所不忍特宜洗滌以待初誠自非與官軍決戰死於鋒刃其餘雖臨陣擒獲亦從釋放棄逆歸順者在身先有官爵實封一切如舊仍准前後勅所在便給賞錢并與甄叙如有因危效節建立殊庸量其事績特加獎擢李懷光若能翻然悔過束身赴朝念其嘗有大勳必當終始全護仍准前勅授之官封朕於功臣庶亦無負淮西將吏百姓等皆被劫制久為匪人詢事原情諒非獲已今主師四合計日誅夷玉石俱焚用增惻憫宜令諸道進軍之日唯在首惡一人自餘徒黨悉從原有如有歸順及立功者並准河中將士例褒獎夫為國之要在於審官共理分憂守宰彌切闔境性命繫乎其人將使里閭無愁苦之聲風俗興廉讓之教得不慎簡聖彥

寄之化源自今已後諸州刺史有闕中書門下於朝官中精擇有
理人才術者授之如刺史縣令在任頗年課績尤異者擢授侍郎
給舍郎中御史中外迭處用觀其能賞罰必行期於競勸自頃選
曹署吏唯以書判求人務騁浮華莫稽實行且能言者不必適用
蘊用者或未能言凡為擇人其在積覈宜令清查常參官每年於
吏部選人中各舉所知一人堪任縣令錄事參軍者所可依資叙
注擬便於甲曆之內具標舉主名銜仍牒報御史臺如到任後政
尤異者有贓犯事跡著明者所司錄舉官姓名聞奏以為褒貶其
內外員及京城諸使名目委御史審勘會商量并省停減仍集百
寮定議務從簡約息費便人其京官職田及息利官錢等點吏

數移易疆畔或貧人轉徙捕繫親隣日月滋深耗弊彌甚亦令百
寮議其折衷擇善而行往以賦役殷繁人不堪命定為兩稅事額
易從比屬軍興或踰始制法無所守吏益為姦哀我勞人汔可小
息自諸道州府除兩稅外應有權宜科率差使一切悉停京畿及
近縣所欠百姓和糴價直委度支即勘會支給諸道非臨寇賊州
縣自冬已來點召官健子弟正宜放散任營生業應經陷賊州縣
百姓屋宇被焚毀并貧病老弱及遭傷損之類所在量加優恤使
得安存天下名山六川并自古聖帝明王賢臣烈士祠廟墳墓各
委當處長吏擇日致祭必資精潔以達志誠班制有差所以序賢
也廩秩有等所以明勸也今或高卑失序中外相踰至於卿士之

家尚罹凍餒之患忠信重祿豈其然耶內外官祿及俸錢手力雜給等委中書門下度支卽參詳定額聞奏應赴奉天及收城將士等並功存社稷節著艱危中心藏之豈忘酬報頃緣府藏空竭賞給未周乃眷勲臣實用增愧應准元勅合請賞錢人委所司節減在官及百司費用據所有財物速與給付應在京城及諸道立功將士等先有詔旨並許甄叙所司勘會淹歷時月委中書門下卽准元勅處分諸軍行營并河中朝邑被脅從將士家口在京及諸州府者宜令本道節度觀察使安存賑恤各令優給應諸軍使立仗見在城將士等共賜七萬匹制書有未該備所司速皆類條件聞奏敢以赦前事相言告者以其罪止罪之凶命山澤挾藏軍器皆

日不首復罪如初赦書日行五百里遐邇咸知

冬至大禮大赦制

門下君天下者受命于天地繼業于祖宗致其誠心惟敬與孝違敬莫大乎廢祀虧孝莫大乎黷神朕以眇身屬承大統縱欲敗度浸生厲階兵連禍深變起都邑六師播蕩九服震驚郊廟園陵陷於凶逆神人之主將迨周星列聖大業幾墜于地達虧敬孝罪由朕躬撫臨萬邦甚用自愧側身思咎庶補將來股肱元臣比義叶德爪牙衆士戮力同心誅大憝而都邑廓清翦通寇而關河底定茲再與王公卿尹洎億兆之人備其盛容修其禮物薦誠清廟展敬園丘陳謝罪愆告雲憤氣感慕慙惕若無所容上帝霍懷再新

景命豈伊匪德獨荷鴻休思與普天誕膺多福可大赦天下自貞元元年十一月十一日昧爽已前大辟已下已發覺未發覺已結正未結正繫囚見徒罪無輕重常赦不原者咸赦除之左降官量移近處流人及藩鎮效力並卽放還應有痕殿禁錮前後恩赦節文未該及者亦宜洗雪勿以爲累李希烈僭逆不道誠所難容朕憫念蒼生務息征討頗有詔命許其自新若能歸降依前勅待以不死淮西管內將士官吏百姓等一切原宥與之如初先有官封亦皆復舊如能特建功效者當別抽擢若家口親屬在諸道者長吏緩撫各使安存其歸順百姓仍委節度觀察使刺史給空閑地任便安居優厚終身務令全濟待事平已後聽歸本貫天下百姓

去年十一月已前父負官稅官和及諸色人逋懸一物已上但不任官與復內者一切免放內外文武官見任及致仕官三品已上賜爵三級四品已下加一階天下諸使諸將軍士三品已上賜爵一級四品已下加一階白身人賜勳三轉自頃兗渠倡亂逆臣附姦保據國都憑陵可服朕出次郊邑再遷巴梁險阻艱難靡不經歷暴亂之後仍彰烈士之功憂危之中方見直臣之節錄勳進善其可弭忘應奉天興元元年扈從立功并收京城將士食實封者各隨文武與一子官餘並加兩階仍賜勳三轉其文武百官應扈從到興元府者五品已上賜爵一級六品已下加一階合八三品五品者不拘考限舉叙其五品已下父母未經追贈者與追贈應

平河中將士即准元勅速與甄獎自是甲四年已來有身死王事
義烈著明未幾褒贈者本道即具名備事跡聞奏請道有解退官
健州府長更切務安存仍量以空閑田地給付免其差役任自營
生社稷之勲以輔興王業統帥之口以總制戎麾參表職者其德
崇授旌節者其功大方鎮乃國之二翰禁衛實予之爪牙尹京實
賴於肅清主計尤資於辦集所領之要澤宜越常倫司徒兼中書令
晟宜與一子五品正員官并四品正員官諸道副元帥與一子六品正
員官中書門下平章事充節度使與一子七品正員官節度使
及神策兵馬使六軍統軍金吾六軍大將軍判度支侍郎各與一
子八品正員官都團練都防禦等使京兆河南尹金吾六軍將軍

殿前射生兵馬使各與一子九品正員官多難以來三十餘載克
平禍亂屬在戎臣或節著艱危或勲高戰伐受任雖專於總帥成
功亦賴於羣材懋賞推恩宜加胤嗣諸道大將功業崇高者各與
一子官本使即詳定錄名聞奏副元帥都統兼節度下每道各二
十人都團練都防禦使下各十人加大將子孫之中有藝業優長
性行純確者本使具狀聞薦仍量量資給令赴上都朕當隨材授
官以充侍衛庶使忠臣之後與國無疆故尚父子儀先朝元勲再
復京邑贈太尉秀實以死為國節節苦今宜令與子孫一人五品
正員官自至德已後節度使大將皆忠烈績效著明其後淪駑者
所司即條錄聞奏與子孫一人正員官諸色人應在賊中潛奉神

主項已甄賞宜便賜優崇三品已上賜爵一級四品已下加一階
江淮轉運使檢校左僕射同中書門下平章事韓滂勵精勤職夙
夜在公漕輓資儲千里相繼事無懈素人不告勞拯于凶災厥有
成績可進封晉國公關畿之內連歲興戎荐屬天災稼穡不稔穀
糴翔貴烝黎困窮倉庫空虛莫之可贖每一興念憫然痛心宜令
度支取江西湖南見運到襄州米十五萬石設法般赴上都以救
百姓荒饑如山路險阻車乘難通仍召貧人令其般運以米充脚
價務於全活流庸庶事優饒副朕勤恤立國之道始於親親所以
厚骨肉之恩明教化之本況荐經艱故宗族漂淪敦睦之情有加
常與大長公主長公主公主各與二子七品官嗣王郡王郡主

主各與一子官出身應陪位皇親五等已上諸親三等已上者三
品已上賜爵一級四品五品加一階六品已下及常選官散官等
簡選日優與處分未出身人量授文武散官如宗子中有德行才
能宗正卿具名聞奏當別獎任致理之本在乎審官審官之由資
乎選士將務選士之道必精養士之方魏晉已還澆風未革國庠
鄉校唯尚浮華選部禮闈不稽實行學非爲己官必徇人法且非
精弊將安救宜今日察詳思所宜各條議狀中書門下參較得失
擇善而行有虞建官三載考績在漢爲吏或長子孫蓋吏久於官
則人情不苟官久於事則理化有成日者制度廢墮考課乖舛淹
速靡準升降無名欲令庶寮何以懲勸自今以後刺史縣令未經

三考不得改移自餘非在職績效殊尤亦不得越次遷轉刺史等
替須待魚書內年五品已上及常參官在任年考已深者卽量才
效用與改中外之吏以觀其能夫明目達聰務廣聞見或慮懷才
抱器輸忠納諫之倫地處幽遐無由自達永言於此夢想不忘應
諸色人有長策濟時定規匡主任具陳所見詣所居之州委刺史
畧與討論觀其言趣但有裨治道不涉私情便與附驛遞送朕當
親覽自立兩稅經今百年或初定之時已有偏併或戶口減耗舊
額猶存輕重不均流亡轉甚委度支卽折衷條理以卹困窮古者
雖有水旱人無菜色皆由儲蓄不匱勸道若方前代所置義倉國
初亦循其制備災救乏甚便於人卽宜准自觀故事天下所繫尤

田上自王公下及百姓每豐稔之歲秋夏兩時州縣長官以理勸
課據頃畝多少隨所種粟豆稻麥逐便貯納以爲義倉如年穀不
登卽量取賑給官司但爲其立法勸諭不得收管仍各委本道觀
察使逐便宜處置聞奏敦本厚生必資播殖當今所切莫甚於斯
自今百姓有墾闢田疇加於常歲者所加之地不得輒徵租稅刺
史令長考課亦以本界墾田多少爲殿最今年蝗旱損甚州府開
春之後量給種子使競農功天下應荒閑田有肥沃堪置屯田處
委當管節度使觀察都團練都防禦等使刺史審細檢行以諸色
人及百姓情願者便言佃如部署精當收穫數多本道刺史特加
褒升屯田等節度使管如是逃戶田地本土復業卽却給還葦穀

之一四方會同供應既多難為準定急賦繁役人何以堪宜令京兆尹與度支計會長官萬三兩縣每季各先交貯備錢五千貫文於縣庫收納定清幹官專知應錄卒須別索及雜供擬并工匠等縣令與專知官先對給價錢季終之後申度支勘會所是和市和崔並須先給價錢兩稅外一物已上不得科配百姓御史臺朝廷紀綱尚書省治化根本百度得失繫乎其人自頃制勅頒行所司多不遵守主臣奉職豈所宜然委御史臺左右丞切糾稽違無墮朕命南郊太清宮太廟應職掌行事官郊廟攝將軍中郎郎將及畱守副畱守內定行從官三品已上各賜爵一級四品已下加一階並賜勳兩轉其諸色支供作司一上凡外灼然要職掌者

並賜勳兩轉行事室長掌坐齋郎禮生贊者減二年勞無勞可減者簡選日優與處分崇賢館學生見在者減帖策各一道國子監陪位學生賜勳一轉介公鄴公各與一子官如無子孫賜物一百匹神策六軍殿前左右射生英武威遠皇城左右金吾街使將士應緣大禮宿衛御樓立仗及守本庫本營者共賜物若干端正天災作沴深儆予衷踴踏憂慚固知攸措今穀價騰踊人情震驚鄉閭不居骨肉相棄流離殞斃所不忍聞公私之間廩食俱闕既無賑恤又復徵求財殫力竭繼以鞭笞施征則軍糧之贍厚取則人何以堪念茲困窮痛切心骨思所以濟浩無津涯補過實在於增脩救患莫如於息費致吝之本既由朕躬謝謹之誠宜自朕始宜

令尚食所進御膳每日各減下一半應宮人等每月惟供給糧米一千五百碩飛龍廐馬從今已後至三十日已前並減一半料京兆府應差科百姓及和市和買等諸色目事無大小一切並停公私債負容待豐麥熟後徵理

唐陸宣公制誥卷之二

唐陸宣公制誥卷之二

貞元九年冬至大禮大赦制

門下朕以寡德屬當大統皇天眷佑俾主兆人懼不克承夙夜祗畏緬懷先烈致干昇平予心浩然罔知攸濟小大之務曷嘗不勤勤堯之言亦莫不敬慮存於致理志常在於恤人中宵屢興終食累數一事乖張怒焉疚懷一夫罹殃惻若傷體思與海內同臻大和息其生業降心從衆實匪有辭克已利人誠無所悵然以視聽有極思慮難周況乎長自深宮安於近習損益之理寧免過差幽遠之情固多未達由是兢兢砥礪悔往脩來燭理所患於不明推心庶幾於無負日慎一日于今十有五年矣上靈降監多士叶

誠五稼屢豐四鄙不擾方鎮輯睦干戈底寧邊壘纒完殊方款附
協天地會昌之運實宗社無疆之休慶既荷於玄功禮有昭于大
報矧惟霜露之感永切孝思禋燎之儀每勤精意將申誠敬其在
躬親是與公卿大夫虔奉犧牲圭璧陳其文物薦其馨香類秩於
泰壇朝享于清廟率職來助萬邦攸同備物致嚴百禮具舉誠慕
獲展神人允諧明發永懷慶感斯集純嘏所錫豈惟朕躬思俾普
天均承惠澤可大赦天下貞元九年十一月十日昧爽已前繫囚
見徒大辟已下罪無輕重咸赦除之其見於官辯對者亦並放免
官人犯入已贓不可令其却上已後勿以為累左降官及流人並
量移近處其官已經量移未復者還其階爵竄謫遐裔冀遂沾
恩比者准制量移所司皆例申牒屢加盤覆累涉歲年既甚淹遲
且不均一宜令吏部刑部審勘檢本流貶及量移勅旨比類元犯
事狀輕重兩月內與處分文武見任及致仕家并諸軍諸使將
士等三品已上賜爵一級四品已下加一階將百姓自置義倉仍
准貞元元年十一月十一日制處分立人之道惟孝與忠孝莫大
於榮親忠莫先於竭節惟爾師長卿校洎平方岳列藩保祐皇家
交脩庶績竭節之效既昭乃誠榮親之恩宜洽國典內外文武清
望職事官并節度觀察都防禦都團練經畧等使父在未有官量
授檢校五品官母在未有邑號者各封邑號父母亡沒者量與追
贈已經追贈者更與改贈佐運之臣納忠之輔功既存於社稷慶

宜及於子孫故周錫田土漢傳帶礪疇其爵邑與國終始以明報德之恩勸為臣之節其或年代未遠利澤猶存祠宇已變於荒墟胤嗣不編於仕籍思其人猶愛其樹况奠享之主而不加省錄者乎興滅國繼絕代所以禮先賢也修宗廟敬祀事所以教追孝也化俗歸厚此其大端應九廟配享功臣及武德以來將相名節特高有封爵廢絕祠廟無主者宜許子孫一人紹封以時享祀自今以後應有家廟子孫但傳襲封爵者並許享祔于廟其有毀賣私廟及買之者各以犯教義贓論自古聖帝明王忠臣烈士各令所在長吏以禮致祭書叙明目達聰垂拱而理詩稱濟濟多士文王以寧舍己從人故能通天下之志棄瑕錄用故能盡天下之才

在太宗勤求理道納諫如響任賢勿疑致俗於太平垂範於永代朕獲承鴻緒追慕聖猷書之座隅常自儆勵朝夕翹想庶聞嘉謀憂寡勞懷思得賢士凡厥在位所宜共成諸司官有陳便宜者各盡所見條疏封進事有寃滯政有關遺悉當極言無或隱避詔勅不便於時者所司執奏以聞天下有蘊德懷才隱居不仕委所在觀察使表薦當以禮邀致諸色人中賢良方正能直言極諫或博通墳典達於教化或詳練故事長於著述或精習律令曉暢法理或該明吏術可委理人或洞識韜畧堪任將帥者委所在州府長吏及臺省常參官詳錄行能舉奏並限來年七月內到京朕當親試應緣大禮掌職行事仗內引駕攝將軍中郎郎將雷守副雷守

并諸道表狀陪位法駕三引官等三品已上更賜爵一級四品已下加一階其郊壇官廟行事官仍各賜勳兩轉皇親諸親應陪位者三品已上賜爵一級四品五品加一階六品已下及常選官至選日優與處分白身人及諸色應陪位官等各賜勳兩轉親王大長公主郡主縣主賜物各有差斷公介公各賜物若干段行事室長掌坐齋郎禮生贊者各減一年勞無勞可減者至簡選日優與處分崇賢館學生減策一道國子監學生陪位者及應緣祗應諸司作官直長長上流外要職掌內侍省白身諸州行綱考典兩京耆壽諸色番役當上在城并量畱十月番人等各賜勳一轉鴻臚番客共賜物若干神策六軍英武威遠皇城金吾街使諸軍諸使

將士應緣大禮宿衛御樓立仗及守本庫本管者共賜物若干端匹天下耆老百歲已上者各賜錦帟五段米五碩八十已上及鰥寡孀獨不能自存者委刺史縣令各加優恤應緣大禮加階及賜勳爵等申報叙奏期限並准貞元六年十二月二日勅處分餘依常式所司不須更作條件敕書日行五百里布告遐邇咸使聞知

蝗蟲避正殿降免囚徒德音

夫人事失於下則天變形於上咎徵之作必有由然自去歲已來災沴仍集雨澤不降延歷三時蟲蝗既臻彌亘千里穀羅翔責稼穡卒瘞嗷嗷承人聚泣田畝興言及此實所痛傷備祈百禱曾不獲應方悟禱祀殊救患之術言詞非謂言之誠憂心如焚深自刻

責得非刑法舛謬忠良鬱堙暴賊未窮勞師靡息事或無益而重
為煩費任或非當而橫肆侵蠹有一於茲足傷和氣本其所以罪
實在予百姓何辜重罹殄餒所宜出次減食節用緩刑側身增脩
以謹天戒朕避正殿不御百寮奏事並於延英處分尚食進膳宜
更節減百司不急之務一切且除諸軍將士外自餘應食官糧人
及諸色用度等並委本使長官商量權行停減以救荒饑仍限十
日內具元額及所釐革條件聞奏待至豐稔却令依舊畿內百姓
委京兆尹切加慰撫除正稅正役外徵科差遣並宜禁絕非交相
侵奪尋常訴訟不宜追擾務且息人京畿內外及京兆府諸縣見
禁囚徒死罪降徒流以下一切放免畿內及河中同州界應有因

戰陣殺戮遺骸暴露者各委所在長吏隨事埋瘞咨爾卿佐實惟
股肱所當一其誠心同恤災患勉修厥職副我憂勤

誅李懷光後原宥河中將吏并招諭淮西詔

自昔哲王以道化下不竭物以充欲不勞人以樹威億兆之心如
戴父母兵革不試四方來同苟或昧於德綏務以力勝士旅疲耗
丞黎困窮幸以成功豈云有補李懷光又從亡旅頗著勤勞拔於
等倫授以旌鉞誓師河朔奔難奉天有夷兇嫉惡之誠有弭患釋
圍之績俾介元帥仍升上台秉心匪奪自底不類惟衆貪亂附姦
脅君朕用無遷幾危宗廟消股肱宣力戡此就誅率土之人咸懷
奮擊朕獨排群議未忍加兵命復官封志朝令管而乃昏迷不返

悖慢逾彰殘害使臣侵敗畿甸密通京邑人悉無聊論之不悛乃
用致討上帝悔禍元臣叶謀克集戍勳以夷大難采旌授首餘衆
革心制勝以謀兵無血刃雖事非獲已義在救人而本其所由情
深罪已蓋以信誠未著撫馭或乖至使功臣陷於誅戮謂之克敵
寧不愧心然以懷光一家法當盡戮念其昔居將相嘗寄腹心罪
雖掛於刑書功已藏於王府以干紀之跡因合滅身以赴難之勳
所宜有後非常之澤俾洽幽明雖屈尋章庶旌往效大夫君子無
我有尤宜以懷光一男為嗣賜莊宅各一所聽住京城仍還懷光
首級及屍任便收葬其妻及諸子孫在室女等並遞送澧州委李
勣遂便安置使得存立其出嫁女及諸親戚並宜釋放應先

中將士等皆嬰迫脅無路申明多是朔方舊人素蘊忠義并幽州
涇原將士頃被朱泚脅從收京之時奔竄在彼究其本末情有足
矜况能協力同謀舉城歸順錄其成效咸與惟新宜一切洗雪勿
為累先有官爵實封者並許仍舊其中首謀效順事績著明者
委副元帥條件聞奏別加甄獎河中及同州絳州百姓並經陷賊
又久屯軍骨肉流離生業廢棄與言訟念良用惻然宜各給復一
年京兆府奉先美原等縣緣與同州接近隨便供運扞軸既繁流
亡頗衆委京兆尹卽量事優恤條件聞奏仍加招輯使各安在河
中保義軍保寧軍節度使并管內諸軍行營兵馬副元帥河中保
寧等軍節度度支管田觀察處置等使銀青光祿大夫檢校司徒

同中書門下平章事兼太原尹北都留守北平郡王燧性嶽降生
鬱為時傑奉上勳匪躬之節訓師懷盡敵之謀畧地無遺攻城必
拔發揚以威強寇感激而服叛徒嘉謀屢聞能事畢備朔方河中
同絳陝虢汴等州及管内諸軍副元帥河中絳州節度觀察處置
等使開府儀同三司行侍中兼河中尹咸寧郡王瑊鑒識精明宇
量弘博秉義率衆推誠待人堅制不奪之心亟陳必勝之畧輯睦
士旅安慰流庸盛德克彰崇功允集惟乃二帥一其誠心奉行天
誅同獎王室有崇讓之美有禁暴之能元惡既除全城底定是加
寵命以答崇勲遂可兼侍中仍與一子五品正員官并階餘並如
故職可檢校司空仍與一子五品正員官并階餘並如故華州

開鎮國軍節度

開府儀

二司檢校右僕射并華州刺史上柱

國武康郡王駱元光邠寧慶等州刺史御史大夫上柱國許昌郡
王韓遊環鄜坊丹延等州節度觀察使檢校兵部尚書兼御史大
夫上柱國東平郡王唐朝臣等並節著艱危功成計伐鎮于衝要
隱若長城取彼兇殘進無堅陣比義同德廓清方隅宜增食于真
封且延榮於胤子可各賜實封二百戶仍與一子六品正員官并
五品階餘並如故應諸道諸軍同討懷光將士等一自征役淹歷
歲特被服于戈畧無寧息頓茲勳效是有成功宜並賜三十萬端
匹以充宴賞仰度支卽般次送赴並各放歸本道仍令所司叙錄
卽超資與改轉其中大將及功效殊尤者委所司速具名銜聞奏

先與處分其先在河中將士亦宜依例賜錢宴賞如本是奉天定
難功臣准條合給賞者度支卽排比支付嗚呼自國家多難二紀
于茲朕嗣位七年連兵五載追惟往事海恨千懷今二孽既誅諸
方甫定哀彼淮右獨爲匪人其帥不恭其衆何罪狀晨夕惕慮念
之甚詳罷征計則阻命止於數州窮戰爭則流禍及於天下利病
之勢較然相懸俾人罹殃寧我忍耻今勳賢列鎮疆理有經縱未
偃戈足以保境况天地之大無所不容豈令是邦猶隔朝化因茲
大慶使洽鴻恩諸道應與淮西接連宜且各守封境非被侵軼不
須進討仍委所在長吏明加招諭宣布朕懷李希烈若能歸降待
以不死其餘將士官吏百姓等一切並與洗滌與之更新先有官

封亦皆仍舊如能去逆效順因事建功理當甄升以示褒勸其所
以優賞科條並准前勅處分朕思與海內去危圖安有過自新雖
大必宥朗然明信彰示此人期爾庶邦自求多福無有遠邇咸使
聞知

誅李希烈後原淮西將士并授陳仙奇節度詔

反易天常悖違人紀喪之所棄罔或逃誅李希烈蔑義背恩窮姦
極暴謂神器可以力取謂生靈可以計欺忘在兇殘躬行僭竊罪
無與比法實難容以若德不修致人於禍究其端本過實在予不
忍丞黎重相攻戰屢施詔命務欲懷柔抑羣師奮發之誠駐諸軍
討逐之勢不憚屈已期於息人希烈曾無悛心益逞驕志虐毒滋

甚吞噬無厭惡貫既盈自底夷滅開府儀同三司御史中丞臨漳
郡王陳仙奇忠勇有餘沉毅能斷據闔境受污之憤遣三軍思順
之心唱義一呼羣情響應府庫清氣復蠲戮渠魁驛書上聞函首入
獻方隅既又得戍其休懸賞之科是宜必信其以仙奇為檢校工
部尚書兼蔡州刺史御史大夫充淮西節度仍賜實封五百戶應
淮西管內將士官吏百姓等項迫克威遂從脅制既誅元惡俱是
平人除李希烈一家其餘並從兵前後赦勅原放更無所問其將士
等或不屬平盧或久鎮淮右亦推忠義累著勳庸果能叶志同謀
輸誠奉順以效節效良有可直婆仙奇即以諸色官錢優與宴勞
其中首建謀議同斬希烈人等宜並條錄聞奏節次褒賞比年以

來有潛圖效順節義著明計或未行為賊屠害者亦當密加訪察
具事績以聞如有子孫仍並錄名聞奏百姓等久經淪陷兼被傷
夷遐想凋殘實足哀憫除供當道軍用外宜給二年應被希烈差
點兵馬及團練子弟並即放散其本額將士之中有不樂在軍願
歸農業者委節度刺史量給逃死戶田宅并借貸種糧優給復終
身使之存濟宜令尚書左丞鄭叔則充淮西宣慰使嗚呼徃欽哉
自希烈叛命于今五年上澤不通下情亦阻所宜宣我信令以釋
危疑敷我惠和以慰疲瘵滌滌清俗咸與惟新庶難一方以稱朕意
重原有淮西將士詔

乃者希烈亂常阻兵竊號汚脅士眾殘虐蒸黎朕志在好生誠深

罪已為人受恥不忍加兵惟茲一軍代者忠節果鐵元惡不替舊
勳詢於眾情就拜戎帥人亦勞上朝於小東旋乖卹下之方重致
喪身之禍由朕薄德俾人不寧撫臨島邦且愧且悼猶賴將校士
旅秉其誠心邦人不驚軍部無撓以茲節效良有可嘉所宜慰安
俾洽寬澤應將士吏人承前所有諸過犯罪無輕重一切釋放曠
然昭洗咸與惟新其有先請受庄宅田物者各以見管為主將上
衣賜節料并家口糧賜等一切並准舊例以時給付不得停減先
令優與賞設亦准元勅處分務令豐厚以稱朕懷仍加曉諭各委
知悉

唐宣公制誥卷之三

唐宣公制誥卷之四

賑恤諸道將吏百姓等詔

國之經制儲蓄備災雖遇凶年人無菜色特或弛征散利務稽勸
分徒有以均無因豐而補救救患之術抑其次焉自戍役繁興兩
河尤極農桑日費并邑為墟丁壯服其干戈疲羸委於溝壑傷夷
未復荒饉荐臻歷河朔而至於太原自淮沂而被于洛汭蟲螟為
害雨澤憊時稼穡瘳瘵黎重困然由徵賦不息征役未寧凍餒
流離寄命無所興言感悼焚灼于懷朕聞刑罰失中虐殄斯作致
咎之本在予一人萬姓何辜遭罹其弊兢兢惕畏不敢違安庶蠲
下土之災用答上天之戒其宣武等軍宋毫陳州等節度淄青等

州節度河陽懷州節度東都畿汝等州節度潞美軍澤潞磁邢等
州節度保寧軍節度成德軍恒深趙等州節度易定等州節度每
管各賜米五萬碩所司卽般運都於楚州分付各委本道差官受
領賑給將士百姓等務令均洽以惠困窮屬軍費方殷國儲尚歉
今所賜賑給其數非多猶慮孤惲或未周贍穀價翔貴何能自資
江淮之間連歲豐稔迫於供賦頗亦傷農收其有餘濟彼不足允
孚發歛之術且叶變通之規宜令度支於淮南浙江東西等道量
置場加價和糴米三五十萬碩差官般運於諸道減價出糶貴從
權便以利於人無或勞煩重予不德方岳守將實朕股肱卹患分
憂與朕同體宜卽遣使分道宣慰勞勉將士省問鄉閭有可以救

濟之凶災除人之疾苦各與本道節度使商議具以聞奏必精必
詳用稱朕意

優恤畿內百姓并除十縣令詔

朕以薄德託於人上勵精思理期致雍熙鑒之不明事或非當百
度多闕四方靡寧傷夷未瘳而征役荐起流亾旣甚而賦歛彌繁
人怨聞上天災降下連歲蝗旱蕩無農收惟茲近郊遭害尤甚豈
非昊穹作沴深徹予衷踴踏憂慚罔知攸措今穀價騰踊人情震
驚鄉閭不居骨肉相棄流離殞斃所不忍聞公私之間廩食俱竭
旣無賑恤猶復徵求財殫力疲繼以鞭箠弛征則軍莫之贍厚歛
則人何以堪念茲困窮痛切心骨思所以濟浩無津涯補過實在

於增修救患莫如於息費致咎之本既由朕躬謝謹之誠當自朕始宜令尚食每日所進膳各減一半宮人等每月惟供給糧米一千五百碩其餘悉皆停省年食支酒料宜減五百碩飛龍廐馬從今已後至四月三十日已前並減半料京兆府百姓應差科徵配及和市和糴等諸色名目事無大小一切並停公私債負容待蠶麥熟後徵收百司非至切之務如追擾百姓及追勘徵收等色府縣並不須承受其尋常訴訟非交相侵奪者亦不得爲理百姓及諸色人等如能力行仁義均減有無調貸貧人全活數衆者府司具事跡聞奏朕當授以官秩蠲其征徭如縣令勸導有方流庸克濟至夏初已來類例勘會但戶口無減田疇不荒亦以狀聞量加

優獎百姓有迫於荒饑全家逐食者其田宅家具樹木麥苗等縣司並明立簿書印記令所由及近隣人同檢校勿容輒有毀損及典賣填納差科本戶却歸使令復業夫致理之本必在於親人親人之任莫切於令長導王者之澤以被於下求庶人之瘼以聞于朝得失之間所係甚大且一夫不獲辜實在予況百里之安危萬人之性命付以長吏豈容易哉今旬內凋殘亦已大甚每一興想盡然傷懷非慈惠不能卹疲眊非才術無以賑艱食臺郎御史選重當時得不分朕之憂救人之弊昨者詳延羣彥親訪嘉猷尚書司勳員外郎竇申等十人咸以器能理道精心究丞黎之疾苦知教化之宗源輟於周行徃泣通邑申可長安縣令鄭珣瑜可檢校

吏部員外郎兼奉先縣令韋武可檢校禮部員外郎兼昭應縣令
賈全可咸陽縣令兼監察御史霍琮可華原縣令兼監察御史王
倉可檢校禮部員外郎兼昭應縣令李曾可盩厔縣令兼監察御
史荀曾可三原縣令兼侍御史李緄可富平縣令兼殿中侍御史
其有散官封賜者並如故應畿內縣令俸料宜准常叅官例均融
加給涇陽縣令韋滌潔已貞明處事通敏有禦災之術有字物之
方人不流亾事皆辦集惟是一邑之內獨無愁怨之聲古之循良
何以過此就加寵秩允叶前規可檢校工部員外郎兼本官仍賜
緋魚袋并賜衣一襲絹百匹馬一匹嗚呼積行在躬雖微必著咨
乃庶尹其惟欽哉朕聞爲君者必擇人而官爲臣者罔擇官而處

於理不繫於時升降在乎公不在乎位朕方抑浮華以敦
教稽言行以進人非次之恩以待能者彰善黜惡期於必行凡百
君子各宜自勉

重優復興元府及洋鳳州百姓等詔

朕巡狩山南自春涉夏師旋殷會日費既廣州間杼軸歲計其空
東作妨時西成罕望雖黽勉從事人不告勞而憫悼積衷予實知
愧昨者減其租稅優以復除悲乎有瘳况用小息洎駕言旋軫躬
履畏途絕礪縈迴危棧綿亘時經霖雨道阻且脩工徒造舟縣人
葺路靡幼靡老竟獲寧君而又齎負糗糧供備頓含涉于千里飶
我六師居人露處以罔休宿麥過時而不獲觀茲妨奪彌增感傷

前所復除未足酬卹式敷惠澤以紓大勞其興元府除先優復外
宜更給復二年鳳州全放今年稅其興元府鳳州界內知頓及脩
道路閣橋州縣官將士等血委嚴震類例功效具名聞奏量與甄
獎嗟乎古先哲王東征西怨顧予不德重以勞人補費錄勤是有
申命長吏明加優諭稱朕意焉

議減鹽價詔

三代立制山澤不禁天地材利與人共之王道淺微強霸爭奪於
是設祈望之守與權管之法以佐兵賦以寬地征公私之間猶謂
兼澤歷代遵用遂爲典常自頃寇難存興已三十載服干櫓者農
耕盡廢居里閭者杼軸其空革車方殷軍食屢調人多轉徙田畝

汙萊乃專煮海之利以爲贍國之術度其所入歲倍田租近者軍
費日增權價日重至有以穀一斗易鹽一升本末相踰科條益峻
今彼貧賈何能自滋五味失和百疾生害以茲大斃實爲痛傷嗚
呼朕丕承列聖之緒遐覽前王之典旣不克靜事以息用又不獲
弛禁以便人征利滋深疲甿至困予則不恤其誰省憂應江淮并
峽內權鹽宜令中書門下及度支商議裁減估價兼營業利害速
具條件聞奏削去苛刻止塞姦訛務於利人必稱狀意

賜京畿及同華等州百姓種子賑給貧人詔

春陽布和萬物暢茂實兆庶樂生之日農夫致力之時今茲吾人
則異於是迫以荒饑愁怨無繆有吐去疆業於庸保有乞丐途

路困於死亡鄉閭依然煙火斷絕種餉既乏農耕不興若東作憊時西成何望爲人父母得不省憂雖國計猶虛公儲未贍濟人之急寧俟盈豐罄其有無庶拯艱厄京兆府百姓並宜賜種子二萬碩同華州各賜三千碩陝虢兩州賜四千碩委州長吏卽於度支計會請受差公清仁恤之吏與縣令親至村間隨便給付仍加勸課勿失農時應請倉所有遠年粟麥宜令節度更分二萬碩京兆尹卽差官逐便船載賑賜貧人先盡鰥寡孤惻目下不濟者務令均給全活流庸嗚呼朕德之不敷誠之不感上帝降格丁寧厥躬元元何辜罹此災害思欲拯救未知其方長人之官寄任斯重所宜極慮與我同憂勉敷惠和以育疲瘵佇聞良術稱朕意焉

賜將士名奉天定難功臣詔

國家受天明命平一字內自武德迄于天寶百四十載海內無事崇德廣化澤浸生人時洽和平俗登富教鰥寡孤獨咸得其所鳥獸魚鼈亦罔不寧凡今有生實賴亭育無虞信間盜起幽燕率土之人莫保性命肅宗以神武戡大難先朝以仁德經興運區域再造億兆再康室家離析而後安子孫膺運而相長勞來安集垂三十年則我列聖之於天下庶澤深矣朕以寡昧祗膺寶曆常恐不克負荷罔敢怠荒道有未明事多乖謬情壅而不達大信鬱而不彰兩河之間群盜連禍朕務除大患屢遣將士是以興有征之師問干紀之罪昨以涇原士徒將起心失於撫綏致使潰叛朱

此乘釁因構異圖肆其狼心誘我羣賊謂吾可欺謂天可欺縱恣
凌悖無所懼受朕失中官廟出次郊議九廟震驚萬姓奔駭內省
思咎外顧懷慚罪實在三木敢自愆忘者宗社降祐大徹于朕躬
夙夜殷憂庶乎有補實賴朕心眷屬從戎之節方岳將校集勤
王之師赴難如歸見危忘身聖典刊傳向日忘之三五巨猾者必仗
群雄賞茂績者不限盡其勳庸於帶礪傳書邑於子孫崇功美
名與國終始其諸軍使將士等宜並賜名奉天定難
功臣食實封者子孫相繼無代無身有過犯並減罪二等子孫
有過犯並減罪一等當云應有差科徭役一切蠲免其功臣已後
雖衰老疾患不任軍旅者當分糧賜等並與全給身死之後回給

家口十年勿絕如有能梟擒朱泚者即以朱泚在身官爵授之仍
加實封二千戶朱泚所有田宅財物悉並充賜其梟擒賊大將已
下并節級特加優寵仍各與實封應梟擒人所有田宅財物亦使
賜之其餘立功應合授官給賞並准今年七月勅處分其今日已
前身死王事者追贈官爵亦稱奉天定難功臣子孫為功臣之家
應合襲封減罪蠲免差役等一切同例宣告中外令知朕懷建中
四年十一月二十三日

改梁州為興元府升洋州為望州詔

自昔多虞順時而動古公避狄北來祚於岐下高帝徙蜀建雄圖
於漢中王蹟所興子孫是奉親遷居於漢阻知致君之艱難矧天

下為家不常厭邑王者所至四方會同崇號設都於是乎在朕遭
罹寇難播越梁岷烝庶煩於供億武徒勤於扞衛凡百執事各奉
厥司人皆競勸物以豐給嘉乃成績予懷不忘今大憝已除京邑
甫定將旋法駕展敬園陵眷于是邦復我興運宜其崇大以示將
來古者天子省方則問百年卹百姓以頒慶賜以茂勲勞用弘布
澤之恩式慰來蘇之望宜改梁州為興元府其署置官資望一切
與京兆河南府同南鄭縣升為赤縣諸縣並升為畿縣是在州縣
官各令終考秩至考滿日放選依本資處分著壽與板授五品官
仍並賜緋先已賜緋並賜紫典正等各賜勲五轉百姓除先減放
稅錢外更給復一年洋州宜升為望州見任州官亦並令終考秩

并諸縣官等各減兩選無選可減者各加三階應山南西道節度
下將七除扈從迎駕已經改官者餘並即與甄叙嗚呼古先哲王
東江西怨顧予不德重予勤人撫心咎已良增愧歎宣示有衆明
知朕懷

唐陸宣公制誥卷之四

唐陸宣公制誥卷之五

奉天遣使宣慰諸道詔

古者天子巡狩之義以考國典以觀人風在時多虞或所不暇乃命卿士使于四方問人疾苦廉吏善惡苟副所任則如親臨在理平之時尚資勤恤當喪亂之際得無省憂朕以不敏肆于人上撫馭失道誠感未孚寇盜繁興阻兵征命哀哉臣庶陷于匪人顧茲田疇鞠為茂草不念柔復遽命徂征徵發兵甲萬里必至暴露營壘連年不息冒干鋒刃繼以死傷筑焚無依父母廢食存者積思家之怨歿者倍異鄉之痛又以軍費滋廣公儲不充厚取於人罔率厥典科條互設誅斂無常農工廢棄其生業商賈咨嗟於道路

軍營日益間井日空凋瘵日窮徭役日甚以財力之有限供求取之無涯暴吏肆威鞭笞督責嗷嗷黔首控告何依然氣上騰咎徵斯應疫癘荐至水旱相乘罪非朕躬誰任其責朕自嗣位迫今六年連兵不解已踰四稔雖本非獲已義在濟人而事乃重勞敢忘咎已皆以朕之寡昧居安忘危致寇之由實在於此予則不德人亦何辜愧恨積中痛心疾首昨者改元施令悔往布新將及側獲安則干戈日弭賦役差減則衆庶就康遠定流亡與之休息猶懼思慮未周于庶務誠感未達于遐方一理失中一夫不獲則何以謝天譴致人和俾代予言其在良弼宜令門下侍郎同中書門下平章事蕭復充山南東西鄆岳荆南江西淮南浙江東西嶺南福建等道宣慰安撫嗚呼往率乃職敬敷朕命慰勉征戍勞徠困窮訪其所安察其所弊淹滯必達冤濫必申無憚幽遠而不被無略細微而不恤泊乎編氓比屋咸若朕之躬親股肱惟良予則有賴其諸道將士並准今年正月一日制嚴備疆界勿使侵擾仍各令本使本將速具名銜等聞奏悉與甄叙其殊功勁節超越常倫別條狀績當特優獎百姓除每年兩稅定額外自餘徵率一切並停課勸農桑各令安業寇難既定漸息干戈朕當躬先簡約庶務節省兩稅之內亦更減除其諸道事緣急切須慶分者卽與所在節度觀察使商議裁度務合便宜其餘利害還日條奏朕當詳省以擇厥中宣布遠邇咸使聞知

收復京師遣使宣慰將吏百姓詔

朕獲承先顧付以大器懼德不類貽列聖羞度恭惕厲罔敢暇逸將欲立法齊一致俗和平小信未孚衆心遂阻事理乖當百度失中君臣之間鬱堙不達致寇雖深於罪已興戎猶昧於省躬期靖亂以濟人反然乃師而黷武行者被殺傷之苦居者重齎送之勞四海騷然靡有寧處京輦之下行軸其空環列之中遣戍殆盡略內以勤遠居安而忘危賊臣誘姦乘間竊發豺狼穢于宮闕士庶陷于塗炭作威肆戮仇視我人萬姓嗷嗷呼天罔告有殞路以抗節有脅從以假命且一夫不獲辜實在予朕君臨萬邦作人父母旣不克覆育又從而咎之其心愧恥一食三歎退舍內訟介于梁岷

歷聖有彥以各譴戒皇天悔禍宗社降靈腹心爪牙奮謀宣力元惡稔惡脫身逃遁餘黨歸誠率衆款附掃氛沴而闕閭闔翦鯨鯢以清郊原函夏載寧室家相慶非將士夾輔王室非卿士交修予違軍旅叶心畢命盡敵宣伊寡昧克復興運戡定大難載感予懷宜令吏部侍郎班宏充上都宣慰使勞問將士撫綏水黎招輯流亡慰安反側朕續整飭法駕擇日還京告謝于祖宗請罪于天地策勲行賞大報忠烈銘功永代與國同休明宣朕懷咸使知悉

平淮西後宴賞諸軍將士及歸本道詔

朕纂奉不業託于仁仁不被物義不勝姦頌聲萬聞暴亂連起叛臣希烈竊據淮泗誠則彼夫無言亦由朕之不德撫御之道失

之於初師旅一興綿聯其解服勞者從役不暇受污者無路自新
旱蝗相乘穀糶窮貴在氓饑死十字九空連邑化爲丘墟遺骸遍
於原野每念於此傷心涕流且自昔勞師靡有不悔以虞舜之聖
屈於苗人漢武之強弊於戎虜知之德猶不遠力或未全我其亦
懷求己自警乃者下哀痛之詔布寬大之恩普天載新殊死必有
然尚勞師旅作行邊陲有累歲棄離家室有經時不解甲冑忠雖
爲國答實在予君人若斯寧不知愧頓節將士旅一其誠心奮發
武威慎固疆宇遠人思服元惡就誅杰黎方致於安寧役戍永期
於休息懋官以旌善錫宴以勞旋賞不踰時式遵彝典都統檢校
司空同中書門下平章事劉從一並與子孫一人五品正員官鄭

滑節度使檢校尚書右僕射李澄檢校兵部尚書曲環檢校戶部
尚書李臯兼御史大夫樊澤等並與子孫一人七品正員官都防
禦使工部尚書御史大夫賈耽都團練使檢校左散騎常侍兼御
史大夫盧玄卿兼御史大夫張建封等並與子孫一人八品正員
官檢校司空同中書門下平章事李抱真檢校司空同中書門下
平章事李納檢校尚書右僕射同中書門下平章事韓滉檢校工
部尚書御史大夫田緒咸遣士旅遠赴行營局討不庭厥有成績
抱真納滉宜並與子孫一人七品正員官緒與子孫一人八品正
員官應與淮西接界州縣本界鎮守及諸道赴行營將士等宜共
賜物三十萬端足以充賞設慶支卽約據界首及行營軍額分配

定數逐便支送仍委本道都統節度防禦都團練使卽條錄功第
名銜聞奏並與甄叙其行營將士仍各放歸本道明加宣諭令悉
朕懷

授王武俊李抱直官封并招諭宋滔詔

三公之職論道經邦序五行之和任百事之理歷代崇重不常厥
官天祚皇家茂生才傑比義齊列同寅協恭以德允台階之望以
勲當并賦之賜事應並命式副具瞻開府儀同三司檢校司空同
中書門下平章事使持節恒州諸軍事守恒州刺史充成德軍恒
真深趙等州節度觀察處置等使琅邪郡王王武俊秉志沉密臨
事能斷忠而致力勇且有仁奮發之初渠魁卽戮危疑之際大節

首彰開府儀同三司檢校尚書左僕射同中書門下平章事潞州
大都督府長史昭義軍澤潞磁邢等州節度觀察處置度支營田
等使上柱國附陽郡王李抱真質重氣和內精外朗智窮變化守
必以常學本明誠動有攸利謀猷屢告規范孔多皆戮力盡瘁志
匡王室陳師鞠旅同討不庭仗大義而萬眾叶心體至公而千里
同契合軍於呼吸之際決策於指揮之間弁轡載馳執桴親敵兇
徒殄殲河右廓清出國家無北顧之虞姦孽阻南侵之計時乃同德
厥功茂焉勳立教而阜人均九土以居衆俾爾更踐備揚洪休乃
加真實以貽後嗣武俊可檢校司徒同中書門下平章事抱真可
檢校司空同中書門下平章事賜實封五百戶嗚呼古人有言曰

惟理亂在庶官知惟輔臣與國同體明朕德命爾其欽承朕嗣位
不明輕賞罰力謂武可以靖暴慢謂刑可以懲姦邪德之不修亂
是用長士爲戮耗悉庶流離罪非朕躬誰任其咎自壬寅遭變再
經播遷歷山川之險艱知軍旅之勞苦惟省前過悔恨多懷追遠
事而不及惡後區之可補以九廟爲重而不憚屈身以百姓爲心
而不專私欲苟可以保安社稷休息甲兵弘濟蒼生蠲省徭賦含
垢忍恥予無難焉米滔受任薊門累著誠績交遇旣重封秩亦崇
臣節中虧自貽伊阻泊賊泚僭竊上京兄弟之親在法無赦朕以
罪不相及情有可原特以如初之誠廣其自新之路執迷不復因
敗是求蹙喪而歸旣困方悟累獻款疏深陳懇誠省之惻然良用
憫歎雖將相嫉惡之志固所難容以君上懷柔之情未忍拒絕且
善莫大於改過德莫盛於好生叛而伐之服而舍之銷難愛人實
惟朕志宜委武俊抱真開示大信明加曉諭若誠心元惡固善蹟克
彰朕當掩譽錄勳與之昭雪宣告衆庶咸使聞知

招諭淮西將吏詔

朕臨御已來連兵不息自經播越方屢險艱耳聞擊鼓之聲目視
殺傷之苦由是覺悟悔於興師旣省己以知非亦欲人之遷善至
乃歲有再赦事有屢言務於撫綏不憚煩冗冀哉之誠信日布冀
人之患難日除每議用兵惻然不忍而賊臣希烈煽禍滔天虐用
其人介視朕衆狼心多忌梟性無親以受伐之威以猜刻爲志朝

爲昵比夕高仇讎肆其尤多夷蔑老其莽德陵汝海流血盈川侵軼
浚郊積穀遍野農耕廢業并邑成墟積彼妖氛發爲災疢蕭條千
里無復人煙朕哀彼生靈陷于塗炭苟存拯物不難屈身故於首
春特布新令赦其殊死待以初誠使臣纒越於郊畿巨猾已聞於
僭竊酷烈滋甚吞噬無厭將相大臣咸懷憤激繼陳章疏固請除
討朕以所行天誅本去人害兵戈旣戢玉石難分言念忠良遭罹
脅制雖欲却陳臣節厥路無由受汚終身銜冤沒代淪胥以逮誠
足痛傷宜令諸道節度使每欲進軍先加曉諭今所致討唯止元
兇其餘脅從一切不問如能去逆効順因事建功明設科條以示
褒勸其有一州降者便授刺史封異姓王賜實封五百戶以一萬

人已上降者授刺史封國公賜實封二百戶其餘各據功效節級
甄升列爵建官以俟能者朗然明信堅不食言宣示遠人各令知
悉

招諭河中詔

朔方諸軍應在河中絳州朝邑將士等並以義烈繼代勲業冠時
艱虞已來常濟國難肅宗代宗再復京邑皆是朔方將士之功去
歲朕在奉天兇黨跋扈解圍赴急亦賴此軍言念爪牙情均骨肉
濟朕危厄感之豈忘頃以懷光背恩自生猜阻焚感將士污脅患
良朕頻降詔書再三曉諭皆被懷光隱匿兼亦志有加誣朕之誠
懷竟未宣布夙夜自危寢食不安時屬嚴凝屢頒衣賜豈以懷光

一人拒命遂令將士俱不沾恩朕於功臣義存終始其朔方及諸
靈應在河中絳州乾邑將士等今年春冬衣賜並准二月二十一
日勅緣赴奉天解圍功臣等第給錢物宜令所司并許計料別收
貯得道路通流即當時支遣其有歸順者續給其將士等有先賜
實封一切准元勅並州給牒委馬燧渾瑊逐分送付其差人請受
仍明加宣諭招撫務令忠義之士各悉朕意

安撫淮西歸順將士百姓勅

李希烈首亂淮濟又侵榮汴兗威所及罔不脅從百姓既罹於網
羅將士兼質其家口哀我衆庶銜冤莫伸雖欲歸降何由自達朕
爲人父母不克保安遂使忠良橫遭劫害與言憫悼思惻深衷今

王師四臨所至剋捷將士百姓款附甚多或棄其鄉園或捐其家
族脫身效節良有可嘉特宜撫綏以獎誠效應淮西界內及鄭汴
等州將士歸順者委所在節度防禦等使便與收管切加存恤優
給資糧仍各具名衙聞奏當與甄獎并給遣衣賜其百姓從賊界
內歸順者亦委所在觀察使刺史量以本道諸色錢物賑給令得
存濟如情願便住者即配與死戶田宅使營生業若欲赴諸州縣
者隨其所之當時給文牒發遣不得止遏所至之處准前優賞率
土之內莫非王臣雖陷寇中諒非獲已但能效順卽是平人務於
招綏副朕所恤

甄獎陷賊守節官詔

沮勸二柄國之大綱獎善懲違固不可廢頃者賊臣構亂京邑震
駭惟茲土人奔竄無所或從其誘脅遂染汚名或守以純誠竟全
貞節昨所司奏議但奉刑章之累者各已條疏守節者並已甄異
忠正而不報豈朕意焉應在京百司及京兆府長安萬年兩縣去
年十月三日見在職事官在城陷於賊中潛藏不受逆命并諸色
前資官被僞署官爵頻遭迫脅首末不出事跡昭著衆所明知者
並委御史臺訪察勘覆其事勿容虛濫仍限今月內具名銜事跡
聞奏五品已上及常參官已授替者委中書門下與處分六品已
下各減三選不拘考例聽集其未得資被替非時放選仍稍優與
處分如已喪亡者並與追贈使恩加存歿以稱朕懷

令百寮議大禮期日詔

朕自遷越旋於京師將欲請罪祖宗告謝天地所司擇日行有期
矣議者多以大盜之後人勞匪居懼越歲功請俟農隙若俯順群
議則私懷不安將祗率典章又疲叱重擾夙夜憂惕罔知所裁宜
令中書門下與常參官卽詳議折衷聞奏

不許諸軍侵擾勅

李希烈阻兵淮右虐害烝人朕哀憫無辜橫遭脅制若興師行伐
則玉石俱焚所以頓下詔書希三閣論會無悖革但益憑陵忠勇
之徒皆思奮激朕悔於征伐務在含容以一六無良遂百姓罹禍
安人忍恥初是素懷今東作方興麥秋在近儻行侵抄深害農功

一方之人實足矜憫應與淮西接界州縣各委本道都統節度都防禦團練等使申明前勅嚴設隄防務使農人遂其耕種賊若不先侵軼但自保守封疆勿令越境暴犯田苗及有侵掠務宣朝化以洽遠人仍於所在界首明加招諭咸令知悉

放淮西生口歸本貫勅

遷徙家鄉分離骨肉有生之酷莫甚於斯朕撫育兆人庶臻理道懲過不可以不罰原情不可以不矜將推內恕之心用廣自新之路應從李希烈作亂以來諸道所有擒獲淮西生口配隸嶺南黔中等道宜一切釋放歸本道其投降人等權於諸州縣安置者亦任各從所適

令諸道募靈武鎮守人詔

朕以寡德君臨兆人憂四鄙之不寧懼一物之失所降心以懷戎狄期息征徭極慮以綏丞黎輩遂安輯今夏岳牧咸能撫封九姓可汗荐克敦好寰瀛之內訌謂小康愛人雖發於朕心濟理實由於藩輔豈惟菲薄所致於茲朕獨吐蕃負恩背盟棄約尚勞師旅備禦西陲亦賴方岳同心簡練傑俊助其防鎮逼彼奔衝數年以來邊境寧謐乃眷靈武實惟雄藩扼東燕之咽喉控北門之管鍵軍懸寇遁地遠勢孤雖無交切之虞須建久安之策朕屬慮於此殆今累年晨思廢食暮想忘寐征兵益戍則憚其勞師移人實邊又念其離土朕欲令萬姓各遂所安抑而使人情有不忍中懷結

鬱罔知所從古人有言主憂臣憤今朕憂矣將相牧守得不與我同其慮哉此乃忠臣盡規之時勇士建功之日苟弘良算必有其人宜令諸道節度觀察使各於本管諸色人中募能赴雲武鎮守者取其情願重設賞料仍須精選驍雄廣延武藝便以本道諸色錢物給付仍優厚裝束發赴上都每道各據所管州縣多少通計每州所募多不得過五十人少不減三十人若欲將家口相隨便給資糧同發遣如有戶貫在州者蠲免本戶錢料其官健到日朕當超資與官至鎮便替朕之此意非務廣兵欲使四方驍雄俱到塞上壯邊城士旅之氣杜戎醜窺伺之心方岳信臣所當相悉勿令騷擾副我憂人

唐陸宣公制誥卷之五

唐陸宣公制誥卷之六

冊淑妃王氏爲皇后文

維貞元二年歲次丙寅十一月丁亥十一日丁酉皇帝若曰乾坤合德聖人則之惟帝承天惟后配帝嗣續百代母臨萬邦位定于中而尊加於外德修諸已而化被於人御於家邦所繫斯在三代崇替靡不由之予是以詢衆採賢重難茲命中臺虛位於今歷年陰儀或虧宗事無主缺於典禮朕甚愧焉禘是徽章幸歸全德咨爾淑妃王氏天與淳粹氣鍾元和含章在中發秀于外卓爾風操穆然容輝周旋中規進退有度仁愛恭儉稟于生知詩書禮樂成自師氏竭其孝敬祗事先朝承事無違克諧尊旨往居桂苑淑問

已彰洎奉椒塗諫光載路言無伐善志在匿瑕柔嘉自持喜愠莫見六宮攸序九族以親嘗屬艱迨累從行幸思賢才以輔佐知臣下之勤勞庶績伊疑頌資內助永念頃筐之志且懷永劔之情崇位長秋永懷盛典矧惟元子自我萬邦稽以舊章是宜從貴今遣攝太尉某官某持節冊命爾爲皇后嗚呼敬哉上教之端始於內範風美關雎之化雅詠思齊之德罔懈厥位忝予前修克念有終庶無後悔奉承休命可不慎歟

冊嘉誠公主文

維貞元元年歲次乙丑六月甲子朔十二日乙亥皇帝若曰王者以義睦宗親以禮敦風俗義之深寔先於友愛禮之重莫大於婚地宜承秋書築館之儀易象著歸妹之吉予是用祗考令典率由舊章咨爾嘉誠公主孝友柔謙外和内敏公宮稟訓四德備修疏邑啓封命爲公主徽章所被禮實宜之今遣光祿大夫檢校司徒同平章事汧國公勉持節冊命爾惟欽哉下嫁諸侯諒惟古制肅雍之德見美詩八和可以克家敬可以行已奉若慈道永孚于休懋敦王風勿墜先訓光膺盛典可不慎歟

冊蜀王妃文

維建中二年十一月某日皇帝若曰夫茂建親戚以敦族固本明慎選納以厚別蕃嗣寔人倫之始王教之端也朕奉若謨訓允求淑哲賢必有象鍾慶於令門姻不失親載光於戚里故某官駙馬

都尉田擇交第若干女生稟柔惠習知禮則容德純備孝睦洽聞
可以叶美好遠輔成樂善是用使某官某持節冊命爲蜀王妃鳴
呼敬之哉備禮以崇其好合起家而居其爵位非義信不固非温
順不親克恭匪懈則罔攸悔朕言必復可不慎歟

冊祀王妃文

維建中二年十一月某日甲子皇帝使某官持節冊命某官實
第若干女爲妃王妃曰於戲禮以大婚崇繼嗣本人倫之教詩言
淑女配君子繫王化之綱蓋率人成風由內及外得不采嘉耦以
固盤石刑閨門以御家邦詳求惟難歷選茲久時乃之擇得于舊
姻柔婉稟乎天和禮樂成于家法明章婦順虔奉姆儀克茂鵲巢

之規叶宣麟趾之美其祗膺嘉禮欽率內教淑慎厥心無替於後
嗚呼可不慎歟

告謝昊天上帝冊文

維貞元元年歲次乙丑十一月癸巳朔十一日癸卯嗣天子臣某
敢昭告于昊天上帝顧惟寡昧不克明道丕膺眷命俾作神主常
恐獲戾上下而播災於人兢兢業業夙夜祗畏居位五祀德馨幾
聞皇靈不訖是用大做殷憂稽滄路歷三時誠懼烈祖之耿光墜
而不耀側身思咎庶補將來上帝顧懷誘衷悔禍勅兇慝之凌暴
雪人神之憤取舊物不改神心載新絃乃九廟遺懷兆介福以
臣之責其何解焉聞屬寇虐文稽告謝今近郊帝定長至在辰謹

以玉帛犧齊絜盛庶品其憑禮煇式薦至誠太祖景皇帝配神作
主尚饗

告謝玄宗廟文

維貞元元年歲次乙丑十一月癸巳朔十一日癸卯孝曾孫嗣皇
帝臣某敢昭告于皇曾祖考玄宗至道大聖大明孝皇帝皇祖妣
元獻皇后楊氏臣猥承聖緒獲主大器懼德不嗣靡所安寧任重
道悠竟貽顛越京闕生變神人無依臣懷永圖不敢自棄忍恥含
憤迫于載遷戴天履地俯仰慙惕率賴烈祖遺澤感深于人人心
攸歸天意允若肆予小子憑宗廟之積慶再復于鎬京在臣愆尤
曷云有補豈敢自蔽以重于吹葦頃以寇孽在郊禮物未備久稽

告謝伏稽兢怕忝忝見闕官引懇請罪謹以一元系毛剛鬣明粢
粢合薌其嘉蔬醴齊因時備物虔奉嚴禋曰饗

告謝肅宗廟文

維貞元元年歲次乙丑十一月癸巳朔十一日癸卯孝孫嗣皇帝
臣某敢昭告于皇祖考肅宗文明武德大聖大宣皇帝皇祖妣章
敬皇后吳氏臣嗣服先業不克有荷人流於下事失其中姦寇乘
釁作亂京邑播遷之咎臣實自貽譴焉宗祧曠特之祀外憂內愧
若墜深泉勵已獲心期刑大恥實賴聖祖中興之業全育兆人澤
深慶遠流福裔嗣故上天悔禍群孽就誅非臣寡昧所能續服今
祇率百辟見于廟廷謹以一元大武宗毛剛鬣明粢薌其嘉薦嘉

疏醴齊備物潔誠聿申告謝尚饗

告謝代宗廟文

維貞元元年歲次乙丑十一月癸巳朔十一日癸卯孝子嗣皇帝
臣敢昭告于皇考代宗睿文孝皇帝伏惟玄德廣運重光盛業武
平多難仁育羣生詔臣克堪付以大寶臣自底不類再罹播遷宗
祧之享億兆靡依下辜人心上負先顧敢愛隕越苟全眇身大懼
社稷阽危以增九廟之愧由是忍恥誓志庶補前羞列聖在天鑒
臣精懇敷錫不祐俾之續承克渠殄夷都邑如舊茲臣獲執犧牲
珪幣載見于廟廷感慕慚惶若罔攸厝謹以云陳誠待罪式奉嚴
禋尚饗

祭大禹廟文

維貞元元年某月某日皇帝遣某官以牢醴之奠敬祭于大禹之
靈惟王德配乾坤智侔造化拯萬類於昏墊分九州於洪波經啓
之功于今是賴巍巍蕩蕩無得而名顧以眇身辱承大寶時則異
于今古道寧聞於幽明雖蒙聖垂休諒非可繼而勤人勵已竊有
所希迨茲八年理道猶昧沍氣鬱結降為凶災邦無宿儲野有餓
殍上愧明哲下慚主靈夙夜憂惕如蹈泉谷所資漕運用拯困窮
底柱之間河流迅激舟楫所歷罕能獲全爰命工徒鑿山開道避
險從易涉安代危嗷嗷丞人俟此求濟仰祈幽贊以集丕功享于
克誠庶答精意

策問賢良方正能直言極諫科

皇帝若曰蓋聞上古至道之君垂拱無爲以臨海內不理而人化不勞而事成星辰軌道風雨時若邈乎其不可繼何施而臻此歟三代以來制作滋廣異文質之變明利害之辨威之以刑道之以禮敦其俗而彌薄防其人而益偷豈澆淳心繫於特即何聖賢間生而莫之振也朕祗膺累聖之業得居兆人之上乾居克勵如恐失墜憂濟庶務夕惕晨興永惟前王之典謨是憲是則師大禹以崇儉法高宗以求賢興夏啓之征作周文之罰旌孝悌舉直言養高年敦本業平均徭稅黜陟幽明勵精孜孜勤亦至矣然而浮靡未革理化不行暴亂不懲奸犯不息五教猶鬱士臣未臻鄉黨

尚齒之儀烝黎無安居之志賦入日減而私室愈貧廉察日增而吏道愈濫意者朕不明歟何古今之事同而得失之效異也思欲刻革前弊創立新規施之於事而易從考之於文而有據備陳本末將舉而行無或憚煩略於條對自頃陰陽舛候稔沴頻興仍歲旱蝗稼穡不稔上天作孽必有由然屢推凶災其咎安在傳曰時之不以厥罰常陽又曰堯湯水旱數之常也二者乖反其誰云從今人靡益藏國無厚積朕屢延卿士詢訪謀猷至乃減冗食之徒罷不急之務既聞嘉語亦已遵行而停廢之餘所費猶廣俟轉糧於江徼則遠不及期將搜粟於關中則撓而無獲節軍食則功臣懷怨省吏員則多士靡歸中心浩然罔知攸濟丁大元藎當才器

通明今古副我虛求森然就列匡朕之寡昧拯時之艱災畢志直言無有所隱

策問博通墳典達於教化科

皇帝若曰朕承祖宗之鴻烈獲主神器任大守重懼不克堪思與賢士大夫共康理道虛襟以佇側席以求而羣議紛然所見異指或牽古義而不變或趨時會而不經依違以來七年於茲矣國制多缺朕甚愿焉今子大夫博習墳典深明教化褒然充舉咸造于庭其極思精心以喻朕之未寤仲尼叙禮樂刪詩書修春秋廣易道六經之教所尚各殊豈學者修行理當區別將聖人立意本異宗源施之於時孰爲先後考之於道何者淺深差次等倫指明其

義夫知本乃能通於變學古所以行於今今之教人則異於是工祝陳禮樂之器而不知其情生徒誦禮樂之文而不試以事欲人無惑其可得耶將革前非固有良術堯舜率天下以義比屋可封桀紂率天下以暴比屋可戮然則上之化下周或不從而二仁四凶較然自異有教無類豈虛言哉作樂移風聞諸昔典夫至雅必淡至音希聲文侯列國之賢君猶曰則惟恐寐矧彼流俗其能化乎將使天地同和災沴不作黎人不變姦慝不萌何施何爲以致於此王者制理必因其時故忠敬質文更變迭救三代之際罔不由之自秦刻古法漢雜霸道紛淪于祀王教不興國家按周隋之餘俗未淳一處都邑者利巧而無恥服田畝者朴野而近愚尚文

則彌長其澆風復質又莫救其鄙俗立教之本將安所從自昔哲
王惟以三正互用後之術士乃言五運利生必漢應火行則周為
木德禮稱尚亦義例頗乖永言於茲莫識厥理九流得失之論歷
代興亡之由王鄭識理之異同公穀傳經之優劣必精必究用沃
虛懷

策問識洞韜畧堪任將帥科

皇帝若曰朕遐觀典謨詳求理道三代之際粲然可徵未嘗不文
武並興農戰兼務故能居則足食動則足兵兵足則威食足則固
威則暴亂息固則教化行理國之本實在於此秦漢已降王制不
修選士廢射御之儀教人無蒐狩之禮即戎者不知其稼穡力本

習於干戈於是異文武之人分農戰之道守則乏食征則
兵原茲千年竟莫能復抑知者益寡將行之惟艱歟朕念之甚勤
思繼前勳良以軍旅之士役成靡寧動庸既多爵秩咸貴俾服田
輟慮興怨咨仰給縣官不可勝計由是版圖日減阡陌歲荒水旱
小愆廩餉咸竭欲使軍人悅於和未備者兼達於輶鈐田萊盡
耕攻取必勝誘人孔易其術安施王百之師本於立德兵家之法
乃務出奇德以信成所以詐務理有違反將何適從宋襄成列而
敗軍見喜魯策韓信決壘以灌敵下貴漢朝然則安國亡身豈霸
王之道冒危乘石非仁誼之心所宜討論以定褒貶夫衆寡不敵
克必以謀樂生下齊孫子武之勝袁紹宋高之滅姚泓成

敗之由備陳本末古人有言曰誅之不可儆於天下又曰善爲國者不誦二端是焉其有深言乎房宗次在法任宏論議軍書指明異同詳錄名氏想聞商略擇善而行

答宰臣請停大禮表

朕失德致寇再經越郊廟土主禋祀曠時感憤積中憂愧形外日月以冀庶禱前修賴天地降休祖宗儲慶再新景命祇復皇都自秋涉冬已遷於律候因心致享未展於苦患而公卿上言邀予以備物都鄙興誦諷予以勞人禮將俟於他年卜不先於近日永懷感慕情實未安雖則嘉話重違其如至誠難抑所宜參會群彥更擇近郊無或因循以增不德

答百寮請停大禮表

朕再經播遷久曠禋祀不惟霜露之感實貽墜失之憂賴先澤在人上帝臨我克平大難再復舊京朕之失德非曰能補旋欲請罪宗廟展敬郊立迫以羣情俟于獻歲今滌牲撰吉甫及近期齋心永懷明發不寐忽覽來表良深豐然雖嘉備慮之誠實非昭事之意朕志先定期於必行卽斷來表也

答第二表

國之大事首在祀典所宜嚴奉以達至誠况今之所懷又異常日小克嗣守馴致寇戎淪陪國都震驚園寢幸遇之祐再續鴻休播越三時久虧禋祀之禮旋歸半歲未由告謝之誠感况積中若墜

泉谷坐而待曙跋及上春庶乎天地靈祇以歆精意胡乃股肱卿士尚執疑謀出既不及告辭入又廢於朝獻罔極之慕何心自安宜潔乃誠以祗所奉副予懇切勿復頻煩

答第三表

三省來表深體乃誠明孝敬之大端陳安危之上計祇率嘉話夫豈不懷永言思之固亦難抑進退懸湯罔知所裁中宵求衣當饋忘食且聿修祀事所貴專精苟未至誠則如勿祭今近期甫及當齋潔敬之心而輿誦紛然猶執異同之論禮既虧於嚴奉事奚展於孝思以義制心勉依來請專予不德愧歎良深

答百寮賀利州連理木表

珍木呈祥允符靈貺顧惟不德何以當之朕聞人事聿修天休乃答今則兇渠尚在戎役方殷虛旱妨農飛蝗害稼諒各徵之未弭曷嘉瑞而復臻所冀公卿大夫交匡不逮覩茲稱述益用懷慙

答宰臣請復御膳表

嘗覽典謨每嘉儉德愛人情費是朕素懷況大兵之餘繼以荒饉軍儲國計資用皆空洞戶疲疇膏澤已竭致人於此過實在予內懷憂慚躬自損貶今兇渠殘滅粟麥豐成皆祖宗垂休非寡薄所致矧乎邦畿之內餒殍猶多殺成之徒傷夷未復孜孜訓戒克已增修猶懼守寶圖罔答玄祐豈宜暇逸以厚厥躬卿等誠在致君將順其美顧惟虛缺非所宜然

答百寮請復御膳表

頃者大勞不息至化未孚雨澤愆期蟲蝗為害朕以銷災謝譴莫
大於修誠節用愛人必先於克己顧漸愆答躬貶膳羞下以均眾
庶之憂上以答昊穹之儆至誠或感嘉應遂臻宿麥方成元兇已
殄慶深德薄惕厲彌加忽覽表章過為稱述雖將順其美則曰乃
誠而戒慎不忘諒惟朕志未喻來請深體此懷

唐陸宣公制誥卷之六

